

Kalaallit Nunaanni inuussutissarsiutitigut ilinniarnertuunngorniарfinni misilitsinnerit soraarummeernerillu pillugit nalunaarutip allannguutaanik nalunaarut

(7-trins-skalamut ikaarsaарneq)

§ 1

Kalaallit Nunaanni inuussutissarsiutitigut ilinniarnertuunngorniарfinni misilitsinnerit soraarummeernerillu pillugit nalunaarummi nr. 804-mi, 13. juni 2006-imeersumi, allanngortinneqartumi nalunaarutikkut nr. 353-ikkut, 15. maj 2008-meersukkut, allannguutit makku suliarineqарput:

1. § 30, *imm. 1-imi* >>6<< allanngortinneqарpoq >>02<<-mut.

2. § 31, *imm. 1*, imatut oqaasertaqassaaq:

>>Misilitsinnerni, soraarummeernernut ilaasuni, aamma atuartitsissutini ataasiakkaani misilitsinnerni misilitsittut tamarnik immikkut nalilerneqassapput karakterskala (7-trins-skala) imaattoq mallillugu:

12: Naammassisamut pitsaalluinnartumut.

10: Naammassisamut ajunngivissumut.

7: Naammassisamut ajunngitsumut.

4: Naammassisamut ajorpallaanngitsumut.

02: Naammassisamut naammattumut.

00: Naammassisamut naammaginangitsumut.

-3: Naammassisamut pitsaanngitsumut.<<

3. §§ 33-37 imatut oqaasertaqassapput:

>>§ 33. 12 karakteriliunneqartassaaq naammassisamut pitsaalluinnartumut, atuartitsissummi anguniakkanik naammalluartumik naammassinninnermik takutitsisumut, amigaateqanngitsumut imaluunniit annikitsuinnarnik pingaaruteqanngitsumik amigaateqartumut.

§ 34. 10 karakteriliunneqartassaaq naammassisamut ajunngivissumut, atuartitsissummi anguniakkanik annertuumik naammassinninnermik takutitsisumut, annikitsumik pingaarutilinnik ikituinnarnik amigaateqartumut.

§ 35. 7 karakteriliunneqartassaaq naammassisamut ajunngitsumut, atuartitsissummi anguniakkanik naammassinninnermik takutitsisumut, arlalinnik amigaateqartumut.

§ 36. 4 karakteriliunneqartassaaq naammassisamut ajorpallaanngitsumut, atuartitsissummi anguniakkanik annikinnerusumik naammassinninnermik takutitsisumut, amerlasuunik annertuunik amigaatilimmut.

§ 37. 02 karakteriliunneqartassaaq naammassisamut naammattumut, atuartitsissummi anguniakkanik minnerpaamik akuerineqarsinnaasumik naammassinninnermik takutitsisumut.

4. § 37-p kingorna ilanngunneqassaaq:

>>§ 37 a. 00 karakteriliunneqartassaaq naammassisamut naammaginangitsumut, atuartitsissummi anguniakkanik akuerineqarsinnaasumik takutitsinngitsumut.

§ 37 b. -3 karakteriliunneqartassaaq naammassisamut akuerineqarsinnaanngilluinnartumut<<

5. § 39, imm. 5, atorunnaarsinneqassaaq.

Imm. 6 taamaalilluni imm. 5-inngussaaq.

6. § 40, imm. 1-imi >>6-imik gangerneqassaaq<< allanngortinneqassaaq >>2-mik gangerneqassaaq<<-mut.

7. § 43, imm. 2-mi >>karakterer minnerpaaq 6<< allanngortinneqassaaq >>karakterer minnerpaaq 02<<-mut.

8. § 43, imm. 2-mi >>6-imik ganngerneqassaaq<< allanngortinneqassaaq >>2-mik ganngerneqassaaq<<-mut.

9. *Ilanngussaq 1, 13-skala-p tuluttuunngortinneqarnera*, nalunaarummut matumunnga ilanngussaq 1-itut allanneqassaaq.

§ 2

Imm. 1. Nalunaarut atortuulissaaq ulloq 31. december 2008.

Imm. 2. Nalunaarut atuuppoq ilinniartunut, ilinniarnerminnik 1. august 2007-imi kingusinnerusukkulluunniit aallarniisunut.

Undervisningsministeriet, ulloq 15. december 2008

JARL DAMGAARD
AFDELINGSCHEF

/Helle Kristensen